

Buru batetik bestera dabil

LAU T'ERDIKO TXAPELA. Julian Retegik irabazi zituen jarraian lehen hiru ekitaldiak. Ordutik hona, ordea, beste inor ez da gai izan bi txapel jarraian janzteko. Barriolak du estatistika hori apurtzeko aukera; Olaizola II.ak, aldiz, boladari jarraipena ematekoa

Enekoitz Telleria | DONOSTIA

Bere inguruan sortu eta garatutako txapelketa izan zen bere garaian lau t'erdikoa, eta harenak dira kaiola barruko lehiak markarik eta balentriarik entzutetsuenak ere. Julian Retegi da lau t'erdiko hiru txapel jarraian irabazteko gai izan den pilotari bakarra, eta ez du inork ordutik jarraian txapelik janztea lortu. Patxi Eugik badauzka hiru txapel (1992, 1994 eta 2000), Jorge Nagorek ere bai beste bi (1995 eta 1998), baina ez dira inoiz bata bestearen atzetik lortutakoak izan. Estatistikak apurtzea edo bolada horri jarraipena ematea, Abel Barriolaren edo Aimar Olaizolaren esku dago.

80ko hamarkadan hasi zen lau t'erdikoa indarra hartzen. Pilotazale klasiko eta jakintsuen onarpena lortzea asko kostatu zitzaion, ordea. Julian Retegiren neurria egindako lehiaketa zen, eta hark jokotutako partidek eman zioten sona kaiola barrukoari. Ama Birjina Zurriaren Torneoan Juan Inazio osabaren eta Panpi Ladutxeren kontra jokatu eta irabazitakoak horren seinale. Kaiola bera bezain itxia zen, ordea, lehiaketa haietan parte hartu ahal izateko zerrenda. Sasoiko indartsuek, izarrek bakarrik jokatzen zuten lehen urteetan, eta orduan atera zituen Eratsungo maisuak bere aurreneko hiru txapel haiek jarraian.

Jokatu ziren lehen ekitaldiak, baina 1994kotik aurrera hartu zuen benetako txapelketa izendapena. Zabaldu egin zen txapelketan parte hartzeko aukera gainerako pilotariengana; eskailera jarri eta ligaxkak antolatu. Eugik eta Errandoneak jokatu zuten urte hartako finala, eta urte hartan irabazi zuen Eugik

1994. URTEA

Urte hartan hartu zuen kaiola barrukoak Txapelketa izendapena. Espezialista berriak sortzen joan dira geroztik

bere bigarren txapela. Geroztik, espezialista berriak sortzen joan dira, eta eutsi egin diote euren postuari lehendik zeudenek. Ez du buruz buruko nagusiak adina indar eta eskarmentu eskatzen, eta txapelketa irekiagoa izan ohi da.

Eugik eta Nagorek ere izan zuten bi jarraian irabazteko aukera

Igandean Abel Barriolak izango duen aukera hori Patxi Eugik eta Jorge Nagorek ere izan zuten beren garaian. Eugi, Lau t'erdiko Txapelketako inoizko txapeldun gazteena izan zen, 1992an. 21 urte besterik ez zituen Jokin Errastiren kontrako finala irabazi zuenean — Aimar Olaizolak igandean irabaziko balu, beraz, historiako bigarren txapeldun gazteena litzateke—. Urte hartakoa irabazi eta hurrengo urtekoaren finalera ere iritsi zen Eugi, baina Galarza III.ak galarazi zion bigarren txapela jarraian janzteko aukera. Beste horrenbeste Nagoreri gertatu zitzaion. Unanueren kontra lortu zuen lehen txapela (1995) eta finalean sartu zen hurrengo urtean ere, baina Arretxek galarazi zion hari aukera.

Berriak eta betikoak tartekatuz joan dira geroztik. Atzetik ate joka jendea datorren seinale. Seinale ona. Hori gertatu da Manomanistan eta hori Lau t'erdikoan. Buru batetik bestera dabilen bitartean, ongi dabil.



JULIAN RETEGI TXAPELDUN (1997). Eratsungo aurrelariak ditu lau t'erdiko txapel gehien (4). Horietatik hiru jarraian jantzitakoak.

LAU T'ERDIKOAREN GARAIPEN ZERRENDA

URTEA	TXAPELDUNA	TXAPELDUNORDEA	PILOTALEKUA	EMAITZA
1989	Retegi II.a	Galarza III.a	Anoeta	22-6
1990	Retegi II.a	Galarza III.a	Anoeta	22-15
1991	Retegi II.a	Eugi	Ogeta	22-7
1992	Eugi	Errasti	Astelena	22-12
1993	Galarza III.a	Eugi	Bergarakoa	22-7
1994	Eugi	Errandonea	Ogeta	22-13
1995	Nagore	Unanue	Ogeta	22-18
1996	Arretxe	Nagore	Ogeta	22-8
1997	Retegi II.a	Titin III.a	Ogeta	22-21
1998	Nagore	Eugi	Ogeta	22-11
1999	Unanue	Eugi	Ogeta	22-11
2000	Eugi	Nagore	Ogeta	22-5
2001	Barriola	Eugi	Ogeta	22-10

ERREMINTA. Bilboko Deportivon Egibar, Leunda, Zabalza eta Ibarren agurreko partida jokatu da

Eizagirrek ere min hartu du, eta Erremonte Txapelketako partidarik ez da jokatu gaur

E. Telleria | DONOSTIA

Izterraren atzealdean zaintirtua izan du Jon Eizagirre zarratarrak, eta, herenegun Patxi Zeberio egin zuen bezala,

atzeratu egin du astebetez, gaur Uharteko Euskal Jai Berri frontoian jokatu behar zuen Binakako Erremonte Txapelketako partida. Ezkurra-Urkoren kontra jokatu behar zuten Altuna

I.a-Eizagirrek. Sailkapeneko lehen postuan daude azken bi horiek, bi partidatik bi irabazi dituzte, eta bikote bakoitzak partidaren bat astebete atzeratzeko baimena duenez, erabaki hori hartu du Eizagirrek.

Beraz, bi estelar jokatu dira nola Euskalen hala Galarretan, eta bietan ariko dira bi hiruren kontra. Euskalen, Ezkurra-Urko eta Bitoria-Altuna I.a-Aizpuru.

Galarretan, Altuna II.a-Lizaso eta Elizalde-Iñigo-Etxabe.

Palan, funtzio berezia dute gaur Deportivon. Egibar-Leunda eta Zabalza-Ibarrek jokatu dute jaialdiko lehenengo partida, eta euren ibilbide profesionaleko azkena. Kontratua amaitu zaie, eta agur esatea erabaki dute. Oscar Insauti txapeldunak ere beste horrenbeste egingo du hilaren 31ko finalaren ostean.

TXOKOAN

ESKU-HUSKA

Bengoetxea VI.aren eta Armendarizen jipoia, Tolosako Beotibarren

Egurtu ederra eman zieten atzo Bengoetxea VI.a-Armendarizek Tirapu-Beginori Tolosako Beotibar frontoian (6-22). Armendarizek asko jokatu zuen, Beginok ez zuen bere maila eman, eta Bengoetxeak erremate betekada galanta izan zuen (32 minutu). Gaur, amateur mailako DV Torneoaren finalak jokatuko dira, Zarautzen.

Lau t'erdiko Txapelketa Ofizialeko partida gaur da Hernanin

Atzoko EGUNKARIAN, gaizkiulertze bat dela medio, egun bat aurreratu genuen arren, Besagain enpresako Salaberri eta Santi errioxarrek gaur arratsaldean jokatuko dute Lehen Mailako Txapelketa Ofizialeko estreinako partida, Hernanin. Gaurko irabazleak Inaxio Errandonearen kontra jokatuko du finalerdia. Beste adarrean, Ariznabarreta eta Jaio ariko dira, eta Arretxe du zain irabazleak finalerdietan.

JAIALDIK

ATZOKO EMAITZAK TOLOSA.

Leiza-Nalda III.a 11; Azpiroz-Bengoetxea V.a 18. Tirapu-Begino 6; Bengoetxea VI.a-Armendariz 22. Salaberria-Medina 22; Retegi VI.a-Albizuri 6.

GAURKO PARTIDAK COBALEDA. 19:30.

Gonzalez-Apeztegia / Del Rey-Rai. Eugi-Berna / Gofii II.a-Elkoro.

ZARAUTZ. 17:00 (TELE 5, 18:00).

DV Torneoak finalak: Gonzalez-Larrarte II.a / Larraide-Arraztoa. Antxia II.a-Iriarte / Martinez de Irujo-Zabala. Nagore / Koka (lau t'erdian).

HERNANI. 17:00.

Lau t'erdiko Txapelketa ofiziala:

Salaberri / Santi. Esnal-Gorriti / Oiaga-Errandonea I.a.

ELGOIBAR. 17:00.

Euskadiko Elite Txapelketa

(final-laurdenak):

Castellanos / Aurrenetxe.

Sorrrain / Altuna.

GALARRETA. 16:00.

Zalakain-Barrenetxea II.a / Juaristi-Lander. Altuna II.a-Lizaso / Elizalde-Iñigo-Etxabe. Matxin-Txikuri / Bitoria-A. Lekunberri. Sarasua-Etxeberria II.a / Iribarren-Ekiza.

EUSKAL. 16:00.

Martinez-Amenabar / Ziganda-Gaztelu. Ezkurra-Urko / Bitoria-Altuna I.a-Aizpuru. Kalonge-Auzmendi / Agirresarobe-J. Etxeberria.

Lezea-Aizpuru II.a / Zeberio I.a-Badiola.

DEPORTIVO. 17:00.

Egibar-Leunda / Zabalza-Ibarra.

Urkijo-Rekalde / Gaubeka-Lujan.

Urkia-Imanol / Casado-Galan.